

Dhr. Drs. H.R. Heite
Steenwijkerweg 28
8471 LA Wolvega

Ni'jberkoop, 5 meie 2008.
Betreft: Biebelvertaelen.

Geachte heer Heite, beste Remco,
Et is al weer een peer jaor leden dawwe in je burgemeesterskaemer in et Gemientehuus praot hebben over oons projekt 'De Stellingwarver Biebel'. Jow weren doe slim enthousiast.

Veurig jaor april hewwe in Ni'jberkoop es bi'jenneer west en nog de hieltied vunnen jow et een mooi projekt. Jow mossen eerst nog een (schaak)boek tot een goed aende brengen mar zo nao september (2007) zoj' misschien wel es wat tied vrijmaeken kunnen en kiek es serieus naor oons wark. We hebben je doe de laeste versie daorvan toestuurd.

In feberwaori van dit jaor hewwe je nog es een berichien sturd, mar al-mit-al hewwe niks weer van je heard. Vremd, veur iene die toch slim enthousiast is.

Op 't heden is ds. Jan Schonewille van De Fochtel et Ni'je Testament an et naokieken op al te grote theologische flaters. Hi'j is now ongeveer op 'e helte en is butengewoon tevreden over oons wark. We zitten now geregeld maendagsaovens in Ni'jberkoop bi'jenneer om de laeste punties deur te praoten en besluten te nemen over de tekst. Et kalft blikber zwaor mar d'r is alderdeegst kontakt mit de Schrieversronte om d'r nog es over te praoten.

Et kan vanzels gien kwaod as et ok nog es deur aandere ogen bekeken wodt. We hadden intied oonze hoop een betien op jow vestigd en vraogen je now nog es om te reageren. Ok aj' om ien of aandere reden niet mitdoen kunnen of willen wiwwe et graeg weten want dan vraogen we nog een aander. Een e-mailtien (info@stellingwerfs-eigen.nl) is genoeg en dat waachten we dan ok nog mar even of.

Mit een vrundelike groet,
Stichting Stellingwerfs Eigen
Frank de Vries (vz.)
Piet Bult (sikt.)